



Bosna Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K. Gradašćevića 54, 76 250 Gradačac, telefon 035-369-750, fax. 035-369-751, e-mail: opc.grad@bih.net.ba, www.gradacac.ba.

Prijedlog

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj 34/06 i 51/09), i člana 24. stav 1. tačka 2. Statuta općine Gradačac ("Službeni glasnik općine Gradačac" broj: 4/08, 5/12, 1/17, 5/18 i 8/18), a u vezi sa članovima 67. i 68. Zakona o poljoprivrednom zemljištu ("Službene novine FBiH" broj: 52/09), Općinsko vijeće Gradačac, na __. sjednici održanoj dana ____ 2019. godine d o n o s i

O D L U K U
O ZABRANI NOMADSKJE ISPAŠE STOKE

Član 1.

Ovom Odlukom zabranjuje se nomadska ispaša stoke na poljoprivrednom zemljištu na području općine Gradačac.

Član 2.

Pod nomadskom ispašom stoke podrazumijeva se ispaša stoke gonjenjem preko poljoprivrednog zemljišta i ispaša stoke na poljoprivrednom zemljištu izvan mjesta prebivališta odnosno sjedišta držaoca stoke.

Pod nomadskom ispašom se ne podrazumijeva uobičajena ispaša na pašnjacima u skladu sa članom 59. stav 1. Zakona o poljoprivrednom zemljištu (pašnjaci u vlasništvu Federacije kojim upravljaju kantoni) i ispaša stoke na zemljištu koje je vlasništvo držaoca stoke ili je zemljište uzeto u zakup pod uvjetom da je osigurana doprema i otprema, odnosno transport i veterinarsko uvjerenje.

U slučaju uzimanja zemljišta u zakup radi ispaše stoke, držaoc stoke mora sa vlasnikom zemljišta zaključiti ugovor o zakupu. Ugovor mora biti registrovan u nadležnoj općinskoj službi za poslove poljoprivrede. Ugovor mora sadržavati bitne elemente propisane članom 68. stav 2. Zakona o poljoprivrednom zemljištu.

Član 3.

Kontrolu nad poštivanjem odredbi ove odluke sprovode komunalni inspektori i komunalni redari Općine Gradačac u saradnji sa općinskom službom nadležnom za poslove poljoprivrede. U slučaju kršenja odredbi ove odluke inspektori i redari o istom obavještavaju kantonalnu poljoprivrednu inspekciju radi poduzimanja mjera iz njihove nadležnosti.

Član 4.

Ukoliko se ispaša stoke vrši suprotno odredbama ove odluke, novčanom kaznom u iznosu od 5.000,00 KM do 10.000,00 KM kaznit će se za prekršaj pravno lice, a odgovorno lice u pravnom licu kaznit će se novčanom kaznom u iznosu od 500,00 KM do 2.000,00 KM. Novčanom kaznom u iznosu od 500,00 KM do 1.500,00 KM kaznit će se za prekršaj pojedinac (fizičko lice) ukoliko ispašu stoke vrši suprotno odredbama ove odluke.

Član 5.

Ova Odluka stupa na snagu danom objavljivanja u "Službenom glasniku općine Gradačac".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj: _____
Gradačac, _____ 2019. godine

PREDSJEDAVAJUĆI
OPĆINSKOG VIJEĆA
Enir Šakić, prof.

O B R A Z L O Ž E N J E
Prijedloga Odluke o zabrani nomadske ispaše stoke

Obzirom da je na području općine Gradačac, u period pred kraj i početak zime, svake godine primijećen problem neovlaštene nomadske ispaše stoke, kako na državnom poljoprivrednom zemljištu, tako i na poljoprivrednom zemljištu u vlasništvu fizičkih lica, potrebno je bilo pripremiti odluku kojom će se regulisati nomadska ispaša stoke na području općine Gradačac u skladu sa odredbama Zakona. Ovo posebno zbog zaštite poljoprivrednih kultura i sprječavanja pojave i širenja zaraznih bolesti životinja, te zbog zaštite zdravlja ljudi od zoonoza koje se sa stoke mogu prenijeti na ljude.

Članovima 67. i 68. Zakona o poljoprivrednom zemljištu ("Službene novine F BiH" broj: 52/09; dalje: Zakon) propisana je zabrana nomadske ispaše stoke, dok je članovima 131. i 132. propisana nadležnost federalne i kantonalne poljoprivredne inspekcije za sprovođenje odredbi Zakona. Članovima 139. i 140. Zakona propisane su sankcije za kršenje odredbi Zakona, a tačkom 24 obadva člana nomadska ispaša stoke ustanovljena je kao prekršaj koji se novčano sankcioniše

Odluka je pripremljena u potpunosti u skladu sa odredbama Zakona, bez odstupanja. Zakonom je propisana nadležnost federalnih i kantonalnih poljoprivrednih inspektora u praćenju nadzora nad primjenom Zakonskih odredbi. Dilema koja se javila prilikom pripreme prijedloga ove Odluke odnosi se na slijedeće: nadzor nad nomadskom ispašom stoke nije obaveza ni federalne ni kantonalne poljoprivredne inspekcije (čl. 131. i 132. Zakona). Članom 130. stav 3. ostavljena je mogućnost prenošenja određenih inspeksijskih poslova u nadležnost općinama, ali kanton Općinu Gradačac nije obavijestio da je došlo do prenosa nadležnosti, te zbog ovakve pravne stvari, stava smo da je ovu pravnu prazninu moguće prevazići na način opisan u članu 3 ove Odluke.

Za implementaciju ove Odluke nije potrebna obezbijediti dodatna finansijska sredstava u Budžetu Općine Gradačac.

OBRADIVAČ
Općinska služba za
privredu, budžet i finansije

PREDLAGAČ
Općinski načelnik
Općine Gradačac